

開建縣志

卷一

44330.213

36

128



重修開建縣志序

古者大國方百里今雖小邑或不止百里人民政事胥資保障責其重矣哉凡境內山川形勢與夫學校典禮及一切田賦經政皆在所宜知苟非有志以條分縷析瞭若指掌則何由而周知之哉昔朱夫子守南康下車即詢郡志識者謂其知治體哉

開建縣志

卷之首

志序

一

國家治隆化洽統喬野秀良之眾被聲明文物之先莫不俗易風移日新月盛閱時既久記載或多未備踵事增修酌加損益顧可置為緩圖矣未夏子署篆肇羅兼攝府事時值省志告成大府有重修府志之命因念府志必須各州縣就近採訪事蹟方可詳訂成書爰令各縣先修縣志彙稿送府既屬兩得亦事

半而功倍適開建縣令余椒雲明府因公來謁談次昭合旋縣後尅日開局徵禮邑之紳士取舊志而增輯之綱舉目張闕疑存信凡四閱月而藏事焉書成請序於予予覽開建舊志自康熙壬申迄今百有餘年漸被日深生齒日繁規制不無異同詳畧茲者訂舊增新胥歸條理則賭疆宇而思撫綏之勞稽建置

開建縣志

卷之首

志序

二

而念經畫之苦按戶口版圖而知休養之盛觀風俗人物而識治理之宜所以鏡得失辨醇疵以為治民化俗之本者豈徒網羅散失補葺殘缺云耳哉肇慶多佳山水人文甲於嶺西唐大魁莫宣卿其最著者也其地今屬開建有石壁仙岩龍灣金縷諸勝官斯土者增置書院義塾相與教育薰陶士民觀感其俗

尤蒸蒸日上且以忠讜峭拔波羅迅激
必多孝義節烈之人興起其中茲志所
採庶幾不濫不遺乎予嘉椒雲明府之
知政體更喜都人士之樂事趨公而願
為來者告也是為序

賜同進士出身

誥授中憲大夫廣東候補道署肇羅道兼
攝肇慶府事前翰林院檢討山西道京

開建縣志

卷之首

志序

三

畿道監察御史兵科掌印刑科給事中
丁卯科順天鄉試辛未科會試同考官
加四級紀錄十次夏修恕謹撰

重修縣志序

蓋聞景星膏露天著其祥福草神芝地
呈其瑞彼三蓮一本之茁或偶驗於科
名即早禾大熟之登已悉成為典要而
且勗德重儉寶儉者瘠土亦饒敷教首
文修文者憲言須孝此事貴恭稽難據
故紙作簡書之載而職司民社應為偏
隅補風俗之通也粵東十府羚羊乘西

開建縣志

卷之首

序

四

滙之波肇郡八區忠謹萃南屏之秀爰
分縣治溯元始貢士以來不愧名邦自
大中通籍而後登春臺而遊壽宇間有
開之必先食舊德而服新疇固無建而
不立然閱世既深則閱人益眾况習勤
既久竟習俗相沿有三代之遺風或一
方之好尚紛紜物產無非布帛菽粟之
常炳蔚人文尤重忠孝節廉之品因而

清池兆瑞古井流香酌彼醴泉甘芳可
挹瞻來翠岫風月堪娛樵唱漁歌咸譜
太平之一曲夫耕婦織欣覘樂利之千
朞申祈報于農桑神人可格辨生成于
寒暑消息微黍茅屋連楹聽紡車之互
應處繡叶接壤駕犁輓以同群此又民
事足嘉而幽風如繪者矣所慮撞搖雜
處依然家在煙嵐更慮旁午當衝致復

開建縣志

卷之首

序

五

城經戎馬在

熙朝普天向化即文身被髮亦至變于衣
冠而

聖世率土乂安豈罍雨蠻花尚恐遭平兵
革第分畫原防倉卒而聲教不棄幽遐
貊性鳥言何以使之鶯遷喬木梗頑草
竊何以使寇遏初萌縱經理之維艱亦
措施所當備

漸

折腰幾厭鞅掌徒勞持

以注目未免周知百里之撫循焉寄以
故修志先明體要一編之扶擇綦嚴所
聞所見兼以所傳其事其文合之其義
彰善癉惡此中刪訂尤多別類分門斯
際叅詳不少失之抄撮則鈞石非平差
以毫釐則權衡未正闕文不諱取師郭
公缺事之條有信無疑竊仿大史編年
之例所望數典莫忘比戶益敦姍睦表

開建縣志

卷之首 序

六

章具在四民爭自濯磨將見告成萬寶
較增殷富于當年聯發巍科更奪狀元
于此日已是為序

道光三年歲次癸未長至日

誥授奉直大夫知開建縣事古越椒雲余
瀚并書

重修開建縣志總目

卷首

府序 縣序 姓氏 例言

卷之一

輿地志 分野 疆域 沿革 氣候 山川
岩崗 村鄉 寨園 圩市 形勝

卷之二

建置志 城池 廳署 學校 壇壝 祠廟 陂塘
寺觀 廂里 橋梁 津渡 驛鋪 恤政

卷之三

開建縣志

卷之首

總目

七

賦役志

戶口 貢賦 起運 留友 均平
外賦 倉儲 籍田 學田 祀田

卷之四

官師志

知縣 典史 巡檢
教諭 訓導 署任

卷之五

選舉志

進士 舉人 武舉 副榜 貢士 監生
薦辟 授例 封贈 鄉賓 黨正

卷之六

典禮志

國禮 邑禮 齋戒 鄉禮

卷之七

風俗志

民風 士習 民事
節序 物產 禮俗

卷之八

治行志

令長 典史 師儒

卷之九

兵防志

兵制 應官 營防
義勇 耕兵

卷之十

人物志

鄉賢 孝子 節婦 烈女 閭則 鄉宦
人才 逸士 懿行 耆壽 仙迹

卷之十一

開建縣志

卷之首 總目

八

事紀志

封建 祥異 兵寇

卷之十二

藝文志

箴訓 序文 碑記 詩章

卷之末

捐修姓氏

重修開建縣志卷之首

姓氏

總修

原籍浙江紹興府山陰縣寄籍湖南長沙府善化縣軍功議叙授開建縣知縣余

瀚

松雲

彙編

湖南善化縣人候選直隸州同知余楷

陸

分纂

恩 貞 生 候 選 訓 導 吳 儒

開建縣志

卷之首

姓氏

九

學

廩

膳

生 植 嘉 祥

採訪

學

廩

膳

生 植 嘉 揚

學

廩

膳

生 候 炳 元

學

增

膳

生 馮 玉 求

校錄

附

生 吳 康

學

廩

膳

生 候 作 周

學

附

學

生

平衡

學

附

學

生

梁

楨

督梓

湖南長沙府善化縣人棟發廣東試用巡檢余

茶

憲

開建縣志

卷之首

姓

十

例言

一與地總邑里之大全凡山川村宇前志未經備載者詳加稽訪補泐成編窒漏之虞庶幾免矣

一建置與時為變通恭古準今不無沿革然昔人經營締造之盛心不容沒也故原載失考者概不從刪

一賦役上闕

國課下系民生凡山田地畝縷折條分奉減陞科尋

開建縣志

卷之首

例言

十一

端竟委他如學祖以倍育人才祀祖以修明祀事不為悉載久則或湮瑣屑之煩所不計耳

一官師司教養賢與不肖一邑之治忽因之正署備登俾蒞斯土者觸于目而儆于心未始非居官盡職之一助耳

一選舉為縉紳之初基開邑近代以來擬魏科登顯仕者殊不多覲姑就其先後獲隽者類而列之願此邦多士振起追踪疇謂地靈無人傑也

一典禮與治法相輔而行禮禁于未然而法行于已然者也故禮明而法可不用由之而知習之而察是在宰治者加之意焉

一風俗紀民間瑣事際此

皇化宣昭雖陬澁之區無敢自殊其風氣然頌藜燒笋剝棗烹葵亦足以繪太平而彰盛軌也例以幽風七月之義趨王會以陳圖不患無其具矣一治行以徵遺愛語曰讚頌福生感歎福生為視

開建縣志

卷之首

例言

十二

為畧一身之廢缺基之茲錄其可傳者若而人以見子婦之月旦難于當道之官評名之傳與不傳猶其後焉者矣

一兵防用戒不虞邑介兩粵之交地則山嶺綦多勢則往來靡定潛煽者亦可慮焉尹鐸之治晉陽不當先之保障哉

一人物所以訓俗民之耳目係焉人苟卓自樹立凡節義文章與夫孝友隱德俱可以傳第難覩

全才姑從節取至于婦人完貞茹藥宜獎清操
故另立閩則一條以俟將來備揚彤管

一事紀足資聞見證異同雖不免于闕冗之譏亦
不類于稗官之誕識者自能鑒及耳

一藝文舊載多所未酌茲特刪其無關典要者十
之四五再附以時髦諸撰文雖不敢言精詩雖
不敢言雅而發抒議論暢曉性情亦一時作者
之林也其或輜軒下賁寧曰俗更不能文章而

開建縣志

卷之首

例言

十三

杞雅揚風下邑竟無其選哉



重修開建縣志卷之一

輿地志

分野

疆域

沿革

氣候

山川

岩尚

村鄉

寨園

圩市

形勝

自昔聖人敷土治事則首方輿九州以遠涉禹之
迹亦既燦然矣開建僻在嶺徼漢晉置縣宋梁
置郡在臨賀時為五嶺之一萌注之嶠也明初
以縣隸肇孤懸一隅離府較遠兼蠻尚狂獠之
衆魃亂易生頗難治今

聖澤涵濡久淪肌髓况治不擇地教不擇人雖叢荒

開建縣志

卷之一輿地志

一

深菁俗頑民獷之區無不可與共臻上理司牧
者經馴愛育本禮以節其性樂以防其情所謂
合和親康樂平安為一書上以答

國家分職之榮下無忝父母斯民之任者當自有在
慎毋以黑子彈丸而泄視之也志輿地

分野

史記曰牽牛婺女分野在今之蒼梧

晉書曰牽牛去南河浸遠自豫章迄會稽南逾嶺
徼為越分

唐書逾南紀富昭以西亦鶉尾之墟

廣輿紀賀縣禹貢荊州之域天文翼軫分野

明志蒼梧地域屬荊州

按諸分字之義有在分野言之者有在分界言

開建縣志

卷之一輿地志

分野

二

之者牽牛自豫章至嶺徼二千餘里則史記所
云分野在蒼梧者斷非蒼梧為二星之分野乃
牛女與翼軫之界在蒼梧而分也明甚由此推
之則晉書所謂以嶺徼為越分者亦荆越之分
也再考逾南紀以富昭為鶉尾廣輿記以賀縣
為翼軫明志以蒼梧為荊域邑南之紀徼處去
富賀不過四百餘里古為蒼梧屬邑當在荊州
之域天文翼軫應鶉尾之垣矣舊以一概揚州